




8212-  
- 8216

Augustanie


BIBLIOTHECA  
UNIVERSITATIS  
VIENNENSIS






8212-  
AUG. - 8216











EXTENSIO  
UNIVERSALIS  
JUBILÆI  
IN URBE CELEBRATI  
Anno Domini Millesimo septingentesimo septuagesimo quinto.

AD  
UNIVERSUM  
CATHOLICUM ORBEM.

PIUS EPISCOPUS  
SERVUS SERVORUM DEI

Universis Christifidelibus præsentis Literas inspecturis,

*Salutem & Apostolicam Benedictionem.*



SUMMA DEI in Nos benignitate, ac singulari beneficio utrumque factum est, ut scilicet Anno magno Jubilæi revertente, Sacras Poras, veteri servata sanctissimarum cæremoniarum religione, auspicio recluderemus, & easdem certâ, consuetâque die clauderemus. Atque illud quidem IV. Kal. Martii per Nos gestum est, duodecimo nimirum die, ex quo Petri Cathedram adepti Summi Pontificatus apicem tenebamus. Hoc officium statum atque solemne, quo Pœnitentiæ tempus acceptabile, diesque salutis advenisse, atque ad Divinæ misericordiæ thesauros Christifidelibus aditum patere amplissimum significatur, ex humanarum rerum vicissitudine, fluxaque natura contigit, ut aliquandiu non sine divino consilio retardatum, Nobis reservaretur. E vivis enim erepto San. Mem. Clemente XIV. Prædecessore Nostro, qui & Jubilæum vulgatis per universum Orbem Pontificiis Literis indixerat, & ritè sanctissimas Fores aperire in ipso Nativitatis Domini Nostri Jesu Christi pervigilio statuerat; locus humilitati nostræ relictus est aggrediendi, perficiendique quod ipse coeptum imperfectumque reliquit. Nos igitur per Nos ipsos ad S. Petri Apostolorum Principis Basilicam ritum illum sanctissimum, non sine magna adfuentis Populi celebritate, ingentique animi nostri gaudio persolvimus. Nam, ut eodem

A

officio

Aug. 8216 (b)



officio ad D. Pauli, ad Lateranensem, ad S. Mariæ Majoris Basilicas nostro nomine, atque autoritate perfunderentur, Venerabiles tres Fratres Nostros S. R. E. Cardinales designavimus, & Legatos a Latere creavimus. Itaque dispensatione divina factum est, ut a solemnibus Annis Jubilæi celebritate Pontificatus Nostri ipsa pene initia ducerentur.

Eandem autem rationem nuper etiam Nos ipsi servavimus, cum divini Bonitatis largitate ad Natale Servatoris Nos Festum pervenimus, quod dies Portæ Sanctæ claudendæ prisca Summorum Pontificum consuetudine statutus est, eundemque ritum antedicti Cardinales, eodem Legationis honore ornati, in suis quisque Basilicis persequuti sunt. Atque ipse etiam exitus præclarè faustissimis initiis respondit.

Benedictus sit omnium bonorum, & omnis egregiæ voluntatis author, moderator, perfector Deus, qui Nobiscum misericordiam hanc magnam facere non est designatus: Uni trinoque Numini gloria, lausque omnis in hominum memoriam sempiternam; quod in ipso Nostri Pontificatus initio hoc in Nos veluti signum sui favoris extare voluerit, quo ad bene sperandum de re Christiana erigeremur.

Sane in maxima animi nostri perturbatione, qua dies noctesque angimur, ob Ecclesiarum omnium sollicitudinem Nobis, licet immeritis, nuperrimè demandatam, non leve timori nostro offerri solamen sensimus, quod divina aspirante gratia tantum opus, Urbique huic Nostræ, & Reipublicæ Christianæ universæ tam salutare, feliciter ad exitum perductura esse perspeximus. Exultavimus in Domino, lacrymas etiam lætitiæ indices non semel emisimus, cum Urbis amplissimas vias maxima Fidelium multitudine redundantes intuebamur, quorum omnium una mens esset, divinam sibi misericordiam in fletu & cordis amaritudine conciliare. Mirificè quidem recreabamur, cum intelligeremus, civium religionem cum advenarum pietate mutua inter se æmulatione decertare: atque illos quidem Christiana erga hospites charitate incitatos, nullis impensis pepercisse novimus, nullum refugisse laborem, molestiam nullam aversatos, ut advenientes exciperent, itineribus fractos rescicerent, atque omni assiduitate, & cura sublevarent. Hi vero dignam Christiano nomine humilitatem præferentes, habitu ipso atque incessu declararunt, quanto illos Fides a patriis regionibus evocasset, atque ad Sanctorum Apostolorum limina adduxisset. Mirus enim in omnibus ardor enitebat, cum supplicantium ritu sancta Urbis adirent monumenta, cum sacratis liminibus oscula figerent, cum longissimos viarum tractus sacris Psalmorum, atque Hymnorum canticis, flebilique concentu complebant: ut verè dici, prædicarique possit, nullas ab iis partes esse prætermis- sas, ut veterem illam Poenitentiae formam prisca Ecclesiæ sæculis usitatum, nostra hac ætate repræsentarent.

Illud verò incredibile nostrum animum voluptate perfudit, & præcipuum lætitiæ nostræ addidit cumulum, quod Regium juvenem Maximilia-



num Austriacum ad Sanctam Civitatem advenisse conspeximus, & coram al-  
loqui, complectique in Domino potuimus. Cujus egregia indoles præclare  
instituta, virtutum omnium exempla non pauca, quamdiu apud Nos ver-  
satus fuit, Civibus plaudentibus, Exteris admirantibus, edidit, cum præ-  
sertim Jubilæi Thesauro sese locupletare sategerit.

Neque verò Venerabilium Sacerdotum tum Sæcularium, tum Regula-  
rium hoc loco prætereunda laus est, quorum opera, diligentiaque potissi-  
mum effectum est, ut Poenitentium multitudini ad misericordiæ fontem  
quam facillimè aditus pateret. Nam Sacramentum reconciliationis, quod  
Christus Dominus in Ecclesia posuit in Sanguine suo, fideliter, ut par est,  
administrantes, ægrotorum atque languentium vulneribus mederi nullo un-  
quam tempore desisterunt. Quapropter in Domino confidimus, & certa spe  
ducimur, solvendi potestatem tempore illo acceptabili quam latissime ex  
Apostolica Indulgentia amplificatam, nulli Fidelium in condemnationem,  
plurimis vero ad salutem valuisse. Speramus itaque debiles languore libe-  
ratos, ægros ad sanitatem restitutos, devios ad angustum salutis tramitem  
reductos, omnes denique ita mente, & spiritu renovatos, ut immutabili  
summoque bono in Fide, Spe, & Charitate adhærentes, non modo nequitiae  
fermentum omne deposuerint, sed amplissimum etiam Indulgentiarum The-  
saurum, qui singulis propositus erat, plenissimè sint consecuti.

In hoc enim Jubilæi summa est, huc recidit illius Anni saluberrima in-  
stitutio, ut Christifideles omnes, qua bonorum exemplis, qua exhortatio-  
num incitamentis, qua erebris iteratisque Ecclesiæ Universæ ad Deum præ-  
cibus excitati, revertentes ad eor, & peccatorum in fletu & gemitu poeni-  
tentiam agentes, primo quidem ex Clavium potestate a culpa penitus libe-  
rentur, mox etiam ex Christi Domini, sanctorumque omnium, & præser-  
tim Deiparæ Virginis satisfactionibus, quarum dispensationem Nobis com-  
missam Divina liberalitas voluit, poenæ reatu absolvantur.

Uberrimus hic fructus, hoc summum Divinæ largitatis donum, ut ad  
Fideles omnes perveniret, Nos quidem pro amore illo paterno, quo singu-  
las Dominici gregis oves prosequimur, enixis a Deo precibus semel atque  
iterum singulis ferme diebus flagitavimus: remque ex voto cessisse iis argu-  
mentis ad sperandum adducimur, quæ hactenus commemoravimus. Iterum  
igitur Patrem misericordiarum, bonorumque omnium largitorem Deum col-  
laudamus, gratias illi referentes, qui super Nos magnificavit misericor-  
diam suam.

Sed Apostolatus nostri munus haud cumulate explevisse videremur,  
nisi ad cunctos Ecclesiæ Filios oculos, animumque convertentes, & chari-  
tatis spatia dilatantes, illis quoque plenissimam reatum expiationem per  
Domini Nostri Jesu Christi merita exhiberemus. Quare de Fratrum nostro-  
rum S. R. E. Cardinalium consilio decrevimus, universis Christifidelibus,  
qui ubique locorum, & gentium sunt, Thesauros Indulgentiarum aperire,



eosque ad societatem spiritualis huiusmodi boni advocare, & vehementissime hortari, ut dum ad eosdem Thesuros assequendos sese comparabunt, ac pietatis, & debitæ erga Sedem Apostolicam observantiæ exempla præseferentes, indictis se operibus exercebunt; maculas peccatorum eluant, & magis magisque in conspectu Jesu Christi nitidiores appareant.

Itaque de Omnipotentis Dei misericordia, ac Beatorum Petri & Pauli Apostolorum ejus autoritate confisi ex suprema ligandi atque solvendi potestate, quam Nobis Dominus, licet indignis, contulit, omnibus & singulis utriusque sexus Christianis fidelibus in quacunque Mundi parte existentibus, & in Apostolicæ Sedis gratia & obedientia manentibus, etiam iis, qui forsitan elapso anno Romam venerunt, ibique, seu alibi quavis ratione, hoc idem Jubilæum a Nobis concessum adepti sunt, verè poenitentibus & confessis, & Sacra Communionem refectis, qui intra sex menses a die publicationis præsentium in qualibet Diocesi faciendæ computandos, Ecclesiam ipsius Cathedralē, seu Majorem, aliasque tres ejusdem Civitatis, aut Locī, sive in illius Suburbis existentes, ab Ordinariis Locorum, vel eorum Vicariis, aliisque de ipsorum mandato, designandas, semel saltem in die, per quindecim continuos, vel interpolatos dies, sive naturales sive etiam Ecclesiasticos, nimirum a primis Vesperis unius diei usque ad integrum ipsius subsequentis diei vespertinum crepusculum, devotè visitaverint, ibique pro Sanctæ Matris Ecclesiæ exaltatione, Hæresum extirpatione, Catholicorum Principum concordia, & Christiani Populi salute & tranquillitate pias ad Deum preces effuderint, ut plenissimam ejusdem Anni Jubilæi omnium peccatorum suorum Indulgentiam, remissionem, & veniam semel consequantur, perinde ac si quatuor Basilicas seu Ecclesias, intra & extra Urbem, pro consequendo Jubilæo huiusmodi a Nobis designatas, statutis ad id diebus personaliter visitassent, & alia quæ ad hoc requirebantur, adimplevisent, misericorditer in Domino concedimus, & impertimur.

Navigantes verò, & iter agentes, ut, si post elapsos menses huiusmodi ad sua se domicilia, seu aliò ad certam stationem se recepérint, prædictis peractis, & visitata totidem vicibus Ecclesia Cathedrali, vel majori, aut Parochiali Locī eorum domicilii, suæ stationis huiusmodi, eandem Indulgentiam consequi possint, & valeant; Necnon prædictis Locorum Ordinariis, ut cum Monialibus, Oblatis, aliisque Puellis, aut Mulieribus, sive in Monasteriorum Clausura, sive in aliis Religiosis, aut piis Domibus, & Communitatibus vitam ducentibus, Anachoretis quoque, & Eremitis, ac aliis quibuscunque tam Laicis, quam Ecclesiasticis Personis, Sæcularibus, vel Regularibus, in carcere, aut captivitate existentibus, vel aliqua corporis infirmitate, seu alio quocunque impedimento detentis, quominus supra expressas visitationes exequi possint, super præscriptis huiusmodi visitationibus tantummodo: Cum Pueris autem, qui nondum ad primam Communionem admisi sint, etiam super Communione huiusmodi dispensare:



ac illis omnibus & singulis, sive per se ipsos, sive per eorum earumque Regulares Prælatos, aut Superiores, vel per prudentes Confessarios alia pietatis, charitatis, aut Religionis opera in locum visitationum hujusmodi, seu respective in locum Sacramentalis Communionis prædictæ, ab ipsis adimplenda præscribere: atque etiam Capitulis, Congregationibus tam Sæcularium, quam Regularium, Sodalitatibus, Confraternitatibus, seu Collegiis quibuscumque, Ecclesias hujusmodi processionaliter visitantibus, easdem visitationes ad minorem numerum pro suo prudenti arbitrio reducere possint & valeant, earundem tenore præsentium concedimus pariter, & indulgemus.

Insuper iisdem Monialibus, earumque Novitiis, ut sibi ad hunc effectum Confessarium quemcunque, ad excipiendas Monialium Confessiones ab actuali Ordinario Loci, in quo earum Monasteria constituta sunt, approbatum: cæteris autem omnibus & singulis utriusque sexus Christifidelibus, tam Laicis, quam Ecclesiasticis, Sæcularibus, & cujusvis Ordinis, Congregationis, & Instituti etiam specialiter nominandi, Regularibus licentiam concedimus & facultatem, ut sibi ad eundem effectum eligere possint quemcunque Presbyterum Confessarium tam Sæcularem, quam cujusvis, etiam diversi Ordinis & Instituti Regularem, ab actualibus pariter Ordinariis, in quorum Civitatibus, Diocesis, & Territoriis Confessiones hujusmodi excipiendæ erunt, ad personarum Sæcularium Confessiones audiendas approbatum; qui intra dictum Semestris spatium, illas, & illos, qui scilicet præsens Jubilæum consequi sincere, & serio statuerint, atque ex hoc animo ipsum lucrandi, & reliqua opera ad id lucrandum necessaria adimplendi, ad confessionem apud ipsos peragendam accedant, & in foro conscientie dumtaxat, ab Excommunicationis, suspensionis, & aliis Ecclesiasticis sententiis & censuris a jure vel ab homine quavis de causa latis, seu inflictis, etiam Ordinariis Locorum, ac Nobis, & Sedi Apostolicæ, etiam in casibus cuicumque, ac Summo Pontifici, & Sedi Apostolicæ speciali licet forma reservatis, & qui alias in concessione quantumvis ampla, non intelligerentur concessi, nec non ab omnibus peccatis & excessibus, quantumcumque gravibus & enormibus, etiam iisdem Ordinariis, ac Nobis, & Sedi Apostolicæ, ut perfertur, reservatis, injuncta ipsis poenitentia salutari, aliisque de jure injungendis, absolvere: nec non Vota quæcunque etiam jurata, & Sedi Apostolicæ reservata (Castitatis, Religionis, & obligatoris, quæ a tertio acceptata fuerint, seu in quibus agatur de damno tertii, semper exceptis, nec non poenalibus, quæ præservativa à peccato nuncupantur, nisi commutatio futura judicetur ejusmodi, ut non minus a peccato committendo refrænet, quam prior Voti materia) in alia pia, & salutaria opera commutare: & cum Poenitentibus hujusmodi in Sacris Ordinibus constitutis, etiam Regularibus super occulta Irregularitate ad exercitium eorundem Ordinum & ad Superiorum, affectionem ob censurarum viola-



violationem dumtaxat contracta, dispensare possint & valeant, eadem auctoritate, & Apostolica benignitatis amplitudine concedimus, & indulgemus.

Non intendimus autem per praesentes super aliqua alia Irregularitate vel publica vel occulta, seu defectu, aut nota, aliaque incapacitate, aut inhabilitate quoquomodo contractis, dispensare, vel aliquam facultatem tribuere super praemissis dispensandi, seu habilitandi, & in pristinum statum restituendi, etiam in foro conscientiae; neque etiam ulli Confessario facultatem absolviendi complicem in quolibet inhonesto contra sextum Praeceptum peccato; aut complici. Confessarium hujusmodi ad effectum praesentium eligendi licentiam impertiri; ut jam in fel. recordationis Benedicti XIV. Praedecessoris nostri incipien. *Sacramentum Pœnitentiae* anno Incarnationis Dominicæ MDCCXLI. Kal. Junii Pontificatus sui Anno I. editis Literis, generaliter declaratum fuit; neque demum praesentes iis, qui a Nobis, & Apostolica Sede, vel ab aliquo Praelato, seu Judice Ecclesiastico, nominatim excommunicati, suspensi, interdicti, seu alias in Sententias, & Censuras incidisse declarati, vel publicè denunciati fuerint, nisi intra tempus dictorum sex Mensium satisfecerint, & cum partibus, ubi opus fuerit, concordaverint; ullo modo suffragari posse, aut debere.

Cæterum, si qui post inchoatum, hujus Jubilæi consequendi animo, praescriptorum operum implementum morte praeventi, praefinitum Visitationum numerum complere nequiverint. Nos piæ, promptæque illorum voluntati benignè favere cupientes, eosdem verè poenitentes, & confessos, ac Sacra Communione refectos, praedictæ Indulgentiæ, & remissionis participes perinde fieri volumus, ac si praedictas Ecclesias diebus praescriptis reipsa visitassent. Si qui autem, post obtentas vigore praesentium absolutiones a Censuris, aut Votorum commutationes, seu dispensationes praedictas, ferium illud ac sincerum, ad id alias requisitum, propositum ejusdem Jubilæi lucrandi, ac proinde reliqua ad id lucrandum necessaria opera adimplendi, mutaverint; licet propter id ipsum a peccati reatu immunes censerî vix possint; nihilominus hujusmodi absolutiones, commutationes, & dispensationes ab ipsis cum praedicta dispositione obtentas, in suo vigore persistere decernimus, ac declaramus.

Sed hujus nostri consilii explicatam rationem mittimus praesertim ad omnes Patriarchas, Primates, Archiepiscopos, Episcopos, aliosque Ordinarios Locorum Praelatos, sive ordinariam localem jurisdictionem in defectu Episcoporum, & Praelatorum hujusmodi legitime exercentes, gratiam & Communionem Sedis Apostolicæ habentes, per nomen Domini Nostri & Principis Pastorum omnium Jesu Christi obsecramus, atq; enixe rogamus, ut Populis suæ curæ ac fidei creditis hoc tantum bonum annuntient, quod inexplicabilem Dei providentiam, summamque erga Nos charitatem ostendit. Etenim qui tam ampla veniæ facultate proposita, si non utatur, eam contemnere existimabitur, & propterea indignus erit, cui Deus misericordiam suam impertiatur. In eam igitur



igitur curam incumbant Episcopi nescisse est, quæ est propria eorum mun-  
neris, & officii, ut Christifideles primum per poenitentiam veræ salutis Au-  
thori Deo reconciliati, Jubilæi gratiam ad salutem animarum suarum reli-  
giosè convertant.

Quod potterem est, ad Charissimos in Christo Filios Nostros Impe-  
ratorem Electum, ac Reges, & Principes Catholicos omnes, quorum pleri-  
que pro hujus Jubilæi ad eorum Regna atque Dominia extensione suam  
Nobis desiderium significarunt, supplices, Nobis auctoribus, tendit manus  
Christiana Respublica, ut qua auctoritate & potentia præditi sunt, adju-  
mentum omnia præstent ad operandam salutem animarum. Hic enim est fi-  
nis, quo nostræ Pastorales Curæ diriguntur: Cæterum sic pro eorum sapi-  
entia probe intelligere debent, una Religione tanquam firmissimo funda-  
mento inniti subditorum Populorum erga Principes obedientiam & fidem.

Præsentem quoque Literas per omnia validas & efficaces, suosque ple-  
narios effectus ubicunque publicatæ & executioni demandatæ fuerint, sor-  
tiri, & obtinere, omnibusque Christifidelibus in Apostolicæ Sedis gratia &  
obedientia manentibus, in hujusmodi locis commorantibus, sive ad illa post-  
modum ex navigatione, & itinere se recipientibus plenissimè suffragari vo-  
lumus, atque decernimus: Non obstantibus de Indulgentiis non conceden-  
dis ad instar, & Universalibus, Provincialibus, & Synodalibus Conciliis edi-  
tis Constitutionibus, Ordinationibus, & generalibus seu specialibus absolu-  
tionum, seu relaxationum, ac dispensationum reservationibus, nec non quo-  
rumcunque etiam Mendicantium, & Militarium Ordinum, Congregationum,  
& Institutorum, etiam juramento, confirmatione Apostolica, vel quavis fir-  
mitate alia roboratis, statutis, legibus, usibus, & consuetudinibus: Privilegiis  
quoque, Indultis, & Literis Apostolicis eisdem concessis, præsertim in  
quibus caveatur expressè, quod alicujus Ordinis, Congregationis & Insti-  
tuti hujusmodi Professores extra propriam Religionem peccata sua con-  
fiteri prohibeantur; Quibus omnibus & singulis, etiamsi pro illorum suffici-  
enti derogatione de illis, eorumque totis tenoribus, specialis, specifica, ex-  
pressa, & individua mentio facienda, vel alia exquisita forma ad id servan-  
da foret, hujusmodi tenores pro insertis, & formas pro exactissimè serva-  
tis habentes; pro hac vice, & ad præmissorum effectum duntaxat plenis-  
sime derogamus; cæterisque contrariis quibuscumque.

Volumus autem, ut earundem præsentium transumptis, sive Exem-  
plis, etiam impressis, manu alicujus Notarii publici subscriptis, & sigillo  
Personæ in Ecclesiastica Dignitate constitutæ munitis, eadem ab omnibus  
fides habeatur, quæ ipsis præsentibus haberetur, si exhibitæ forent, vel  
ostensæ.

Nulli ergo omnino hominum liceat paginam hanc nostræ extensio-  
nis, constitutionis, commissionis, concessionis, derogationis, decreti, & volun-



tatis infringere, vel ei ausu temerario contraire: Si quis autem hoc attemptare præsumpserit, indignationem Omnipotentis Dei, ac Beatorum Petri, & Pauli Apostolorum ejus se noverit incursurum.

Datum Romæ apud Sanctum Petrum Anno Incarnationis Dominicæ Millesimo septingentesimo septuagesimo quinto, Octavo Kalendas Januarii, Pontificatus Nostri Anno Primo.

A. Card. Pro-Datarius.

J. Card. de Comitibus,

V I S A  
De Curia L. Manassei.

Loco ✠ Plumbi,

I. Eugenius

*Registrata in Secretaria Brevium.*

Anno à Nativitate Domini Millesimo septingentesimo septuagesimo sexto, Indictione octava, die vero Decima Januarii, Pontificatus SSmi Domini Nostri PII PAPÆ VI. Anno Primo, supradicta Litera Apostolica ad valvas Basilicæ Principis Apostolorum, & Lateranensis, & S. Pauli extra Muros, necnon S. Mariæ Majoris, prout similiter ad valvas Cancellariæ Apostolicæ, & Magnæ Curia Innocentianæ in Monte Citorio, & in Acie Campi Floræ, ac alijs locis solitis, & consuetis Urbis, dimissis Copijs, ut moris est, affixæ fuerunt per Nos Antonium Besani, & Josephum Pelliccia SS. D. N. PP. Cursores.

Petrus de Ligne Magister Cursorum.

---

R O M Æ MDCCLXXVI.  
Ex Typographia Reverendæ Cameræ Apostolicæ.

---

RECUSUM CRACOVIAE Typis Seminarii Episcopalis Academico-Diœcesani,



Regestrum in hoc Libro contentorum  
Constitutio Clementis Papa XIII. dea Institutum  
Soc. Jesu denuo approbatur  
Donjesienie Kanonizacyi Błogosławionych Japa  
Lanteo Józefa delasanteo, Józefa z Koper-  
tynu Hieronyma Emiliani, Serafina de Moni-  
te Gremaro, Joanny Fremat de Chantal.  
Conclusiones Theologiae juxta ritum S. Tho-  
ma Aquinatis  
Dissertatio de Traditionibus  
Conclusiones Theologiae de Indulgentijs  
Kazan killeoro Wąsowskiego Franciszka  
na różne Święta.  
Kazanie na Pogrzebie Fr. Brzodowskiego  
Kazanie na Konsekracyi Nym Złomu S. Benedykta  
Allocutio Sm. Lii Papa VI in Comitibus Gnalibz  
Fratrum Ord. Predicatorum  
Methodus servanda in iisdem Comitibus Gnalibz  
Opera w Muzyce na honor S. Stanisława  
Biskupa Krakowskiego



Instructio super Jubilæo Magnæ  
 Extensio universalis Jubilæi ad universum Catho-  
 licum Orbem.



hlo:

Biblioteka Jagiellońska



std/0026627



